



UNIVERSITÄTS-  
BIBLIOTHEK  
PADERBORN


## **Universitätsbibliothek Paderborn**

### **Divo Dionysio Et Sociis Ejus Martyribus Hymnvs**

**Santeul, Jean de**

**[S.l.], 1670**

**urn:nbn:de:hbz:466:1-13456**



Sammelband.

~~V 40~~

Antenne

Benserade

Sehr gut erhalten

Gedankenexemplar des Fürstbischofs Ferdin-

and v. Fürstenberg

für die Jesuiten in Paderborn.

Prächtiger roter Maroquinband mit sehr reichem

Goldsprenkel, großes Superexlibris auf

beiden Deckeln (Wappen des

Fürstbischofs), Steh- u. Wapp-

banden verziert, Pariser Einband d. 17. J.

7 Gedichte von Pierre Corneille

3 große Kupfer (Charvaux)

und sehr viel Buchschmuck <sup>in Kupfer</sup> und Holzschmuck

Am Schluss (S. 59-62) Gedicht auf

des Dreibundes Gedichte.

Vorrede gewidmet dem F. B. Ferdinand von Fürst  
und Schluss

Am Ende sind 2 Blätter unnummeriert geblieben.

Warum? (s. mit anderen Blättern)

1679 o. 1680 (Paris)



L.VI 35

---

P R O F E S T O  
P U R I F I C A T Æ V I R G I N I S  
I N T E M P L O

H Y M N U S.

**S**Tupete gentes ! fit Deus hostia,  
Se se ipse legi Legifer obligat,  
Orbis Redemptor, nunc redemptus,  
Séque piat sine labe Mater.

De more matrum Virgo puerpera  
Templo statutos abstinuit dies ;  
Intrare quid Sanctum pavebat,  
Facta Dei priùs ipsa templum ?

Arâ sub unâ se movet hostia  
Triplex, honorem Virgineum litat  
Virgo Sacerdos, parva nudus  
Membra Puer, Seniorque vitam.

Eheu ! quot enses transadigent tuum  
Pectus, quot altis nata doloribus  
O Virgo ! quem gestas in ulnis  
Imbuet hic sacer Agnus aram.

CHRISTUS futuro , corpus adhuc tener ,  
Præluit infons victima funeri ,  
Crescet ! profuso Vir cruore  
Omne scelus moriens piabit.

---

QUÆ pompa terris ! currite Virgines  
Gestate ceras , sumite lampades ,  
Descendit in terras Olympus ,  
Ipse suis Deus adstat aris.

En Virgo Mater , numine plenior ,  
Demissa vultus , quem peperit Deum  
Gestabat Infantem , & tenellas ,  
Vile Dei pretium , volucres.

Rex summe divûm , magnanimo Parens  
Tibi litabat , fida silentio.  
Natum reposcis ! cedo mater ,  
Hic tuus est , meus ille Natus.

Turbata templi conscia Sanctitas ,  
Hæsit Sacerdos territus hostiâ ,  
VERBUM filebat. Quot sub illâ  
Alta Dei latuère pompâ ?

Turbata Templi conscia Sanctitas.

Hæsit Sacerdos territus hostiâ,

VERBUM filebat. Quot sub illâ

Alta Dei latuère pompâ!

Anus, Sacerdos, Virgo, Puer, Senex,

Testes beati! sancta Sodalitas!

Fulsère terris hâc sub horâ

Hospitibus Loca sancta divis.

---

**F**ument Sabæis templa vaporibus.

Succedit aris jam nova victima,

Se Natus offert par Parenti

Quis Sacra non violanda turbet?

Longè recedant impia pectora,

Fastus, malarum totque cupidinum

Portenta: simplex, ecce pura,

Pauper, inops, sine dote Virgo.

Nos mente purâ sponte litabimus,

Et corde sancto, moribus integris:

Casti Sacerdotes nos vicissim

Ritè sacris faciemus aris.



Illustret aras splendidior FIDES,  
Accendat ignes flammea CHARITAS,  
Fundatque divinos odores  
Innocuæ bona fama vitæ.

Sub mole parvâ corporis allicis  
Nos CHRISTE, fontes, mollis adhuc puer  
Succensâ cœlesti liquefcant  
Cerea tunc tibi corda flammâ.

---


AD JACOBUM MARESIUM

CLERI GALLICANI

*Designatum Procuratorem Generalem.*

Vides, MARESI, carmine splendoros,  
Puro tot Hymnos, nocte sub horrida,  
Quos longa corruptæ premebat  
Barbaries tolerata linguæ.

Aures laceffunt, & male consonis  
Templo indecentes cantibus exprimunt  
Rifus; putasne imperitos  
Ad strepitus, Superos moveri?



DIVO DIONYSIO  
ET SOCIIS EJUS MARTYRIBUS  
HYMNU S.

**L**ux de luce Deus, fons quoque luminum,  
Quo stat perpetuus Cœlitibus dies,  
Tristem sub miserâ nocte Lutetiam  
Quanto lumine recreas!

Illuc intrepidus, non sine numine,  
Missus Præco Dei fervidus advolat,  
Aras, fana, deos, funditùs eruit,  
Ritus dedocet impios.

Addunt se comites, & bene credulis  
Committunt fidei semina mentibus,  
CHRISTUM barbara gens jam docilis sacris  
Tingi fontibus, induit.

Crescit sancta Fides, fit nova civitas,  
Hinc crescit rabies in tenerum gregem.  
Accinctos operi, nec timidos mori,  
Pastores furor impetit.

Heu ! quantis rabies se se acuit modis !  
Sta nunc , sancte Pugil , te Deus aspicit ,  
Surget quanta tibi progenies ! tuo  
Quæ de funere gloria !

Enses , vincla , rotas , verbera , pectines ,  
Æs flammis liquidum , clatrâque ferrea ,  
Duros interitus , lentâque funera ,  
Tortor præparat Artifex.

Instrumenta necis fronte serenior  
Spectat , supplicium delicias vocat ,  
Festinatque mori jam sibi tardior ,  
CHRISTO debita victima.

Tandem suppliciis fortior obtulit  
Pulcrâ conspicuum canitie caput ,  
Sed constante Reo sacrilegi tremit  
Anceps carnificis manus.

Non cervix cecidit , cæsa stat hostia ,  
Truncatumque manus sustinuit caput ,  
Et post fata litat jam nova victima ,  
Se se nec semel immolat.

Addunt se comites , tres & amant mori ;  
Commiscentque sui flumina sanguinis ,  
Ponunt sponte caput ; tres simul occidunt ;  
Tres cælo simul advolant.

---

**A**D sanctos cineres , pignora Martyrum ;  
Hæc sunt plena Deo , currite civitas.  
Hic cunæ Fidei , quóque renascimur ,  
CHRISTUM plenius hausimus.

Hic, dum justa parant prælia Principes ;  
Flexis poplitibus præsidium petunt ;  
Vestros ante pedes regia supplices  
Deponunt diademata.

Quos sensere bonos rebus in arduis  
Viventes , etiam post sua funera  
Jungi Martyribus , dum veniat dies  
Terris ultimus , ambiunt.

Jurant ad tumulos non violabiles ,  
Contractis vigor hinc redditur artibus ;  
Ægris certa salus , & sua vox redit  
Mutis , vitæque mortuis.

---

**F**Uso purpurei sanguine Martyres,  
Si non facta pares possumus assequi,  
Saltem nos liceat visere tot loca  
Vestri, conscia funeris.

Fornax innocuis blandior ignibus,  
Parcis Martyribus, tu quoque clarior  
Illâ, quam Babylon construit impia  
Illæsis pueris tribus.

O nox purpureo splendidior die!  
O dulces tenebræ! carcer amabilis!  
O Sacri lapides! ô bona vincula,  
Sanctus quæ decorat cruor!

Per vos sancta Fides crescat, & optima  
Spes, & juncta comes flammea Charitas,  
Quando vestra, Patres, progenies sumus,  
Et vestro sata sanguine.

Si nos respicitis, clarior in dies  
Surget Relligio, moribus integri,  
Lustratis animis unanimum simul  
Nos præstabimus hostiam.

Patri maxima laus , maxima Filio ,  
Amborumque sacro maxima Flamini ;  
Uni juncta litans & triplici Deo ,  
Triplex se vovet hostia.

---

## PRO S<sup>TO</sup> JOANNE DE DEO

*Fratrum egros Pauperes curantium Institutore.*

### H Y M N U S.

**P**RINCIPES Pauper sedet inter altos ,  
Splendido lucis rutilans amictu ;  
Vilis & pannus modo quem tegebat ,  
Gloria vestit.

Additus celfo nova lux Olympto ,  
Clarat obscurum genus , atque fines ;  
Unde vitales puer hausit auras ,  
Ornat Iberos.

Creber occultos Inopes adibat :  
Huic pios sensus , teneramque mentem  
Ipsa formarat Pietas , ab annis  
Insita primis.

Reddit accepti grave pondus auri  
Aulico, qui se similis roganti  
Veste mentitus lacerâ vicissim  
Finxit egenum.

CHARITAS numquam, bene pasta cœlo  
Crastinos curat, numeratve soles  
De suo dives, propriis triumphat  
Splendida damnis.

---

**N**on cadit semper steriles in agros  
Irritum semen: tua, CHRISTE, verba  
Ut pium pectus subiêre, Olympo  
Læta resurgunt.

Dum fontes pleno facer ore Mystes  
Terret, æternos minitatus ignes:  
Unus offensi tremit imminentem,  
Numinis iram.

Mox gravi fossus pia corda telo,  
Vix sui compos mediam per urbem  
Ibat exclamans, rigidisque tundit  
Pectora palmis.

Heu

Heu furor ! mentis velut impotentem  
Asperis gaudent lacerare virgis.  
Scilicet sperant revocare multo  
Verbere mentem.

Quam libens, totum lacer ille corpus ;  
Sub truci vitam posuisset ictu !  
Jam suis dudum tibi CHRISTE factus  
Victima votis.

---

*Ad utrasque Vesperas.*

**Q**uam tuæ sortis nova nunc imago !  
Cœlitum gazæ referantur omnes,  
Ipsa quæ longum sitiens petisti  
Flumina potas.

Non fames posthac, neque te tenebunt  
Amplius tetris loca fœda morbis,  
Tu Dei pleno satiandus haustu,  
Astra tenebis.

Turba quem circum-dabat indigentum ;  
Cœlitum te nunc chorus omnis ambit :  
& Deum mulcent, tua dum renarrant  
Inclyta facta.




Hi putres artus , alii profundos  
Vulnerum nudant oculis recessus ,  
Quæ manu cautâ , medicoque lambens  
Ore fovebas.


Te patrem dicunt pueri relictî ,  
Te vocant ægri subitâ medentem  
Arte , per longos cruciavit annos  
Quos fera pestis.

De tuis , si quid mala nostra tangunt ;  
Sedibus , terras propiùs tuere ,  
Nec tuam , quæ te studet æmulari ,  
Despice prolem.


Diviti sit laus super astra Patri ,  
Pauperi , mundum nece qui redemit ;  
Æqua laus Nato , tibi par superni  
Numen amoris.














SANTOL  
CARMIN  
SELECT